

陰陽臟腑部

諸風 卒中之初

口中噤 口中淺深

身癢 中淺能言

中深難言

八卷

醫學綱目

十



醫學綱目卷之十

肝膽部

諸風

大法

帝問曰風之傷人也或為寒熱或為熱中或為寒中或為癘風或為偏枯或為風也其病各異其名不同或內至五臟六腑不知其解願聞其由岐伯對曰風氣藏于皮膚之間內不得通外不得泄風者善行而數變腠理開則洒然寒閉則熱而悶其寒也則衰食飲其熱也則消肌肉故使人快慄而不能食名曰寒熱風論治見寒熱門曰快慄也風氣與陽明入胃循脈而上至目內眦其人肥則風氣不得外泄則為熱中而目黃人瘦則外泄而寒則為寒中而泣出治寒中見目淚門風氣與太陽俱行諸脈俞散于分肉之間與衛氣相干其道不利故使肌肉憤脹而有瘍衛氣有所凝而不行故

不仁

寒熱



癘風

其肉有不仁也治見三
風寒客于脈而不去名曰癘風或名曰寒熱癘者其氣鬱熱腫其氣

藏府風

以春甲乙傷于風者為肝風以夏丙丁傷于風者為心

俞穴風

者為肺風以冬壬癸中于邪者為腎風風中五臟六

門

腑之俞亦為臟腑之風各入其門戶所中則為偏風治見

目風

風氣循風府而上則為腦風治見風入係頭則為

中風

目風眼寒治見飲酒中風則為漏風治見入房汗出

藏府風

致甲乙經有風氣也帝曰五臟風之形狀不同者何願聞

其診及其病能岐伯曰肺風之狀多汗惡風色餅然白時

欬短氣晝日則瘳暮則甚診在眉上其色白餅字音邊切

景云肺中風者口燥而喘身暈而重胃而腫脹心風之狀多汗惡風焦絕善怒

嚇赤色病甚則言不可快診在口其色赤嚇字行文也仲

翁翁發熱不能起肝風之狀多汗惡風善悲色微蒼隘

心中飢食則嘔吐目潤及腸痛常嘔令

乾善怒時憎女子診在目下其色青目潤及腸痛常嘔令

入嗜脾風之狀多汗惡風身體怠惰四肢不欲動色薄

微黃不嗜食診在鼻上其色黃仲景云脾中風者翁翁發

而目翳腎風之狀多汗惡風面瘡然浮腫脊痛不能正

立其色始隱曲不利診在肌上其色黑奇病論云有瘡然

大駭身無痛處形不瘦不能食其善驚而心氣癯者死

病生在腎名為腎風腎風不能食善驚而心氣癯者死

張子和治癘風三年不瘥求治于戴人戴人曰非癘也乃出

脫落作癘論云腎風之狀多汗惡風脊痛不能正立其色始

素問風論云腎風之病乃腎風也宜先刺其面大出其

面瘡然浮腫今公之病乃腎風也宜先刺其面大出其

其

俞火風形

診

血當如墨色三刺血變色矣于是下針自額上下排針直
 至額頭皆出血果如墨色通腫處皆針之惟不針目眦外
 兩傍蓋此少陽經少血多氣隔白又針之血色乃紫二月
 外又刺其血色交赤初針時養再刺則額角痛三刺其痛
 不可任蓋邪退而然也後二十日餘及輕刺之遍方已每
 刺必以水木洗其面血十日黑色退一片面稍赤三月乃
 紅白但不服除下執之藥病 胃風之狀頭多汗惡風飲
 又作戴人在東方無能治者 食不下膈塞不通腹善滿失衣則腹脹食寒則泄診形瘦
 而腹大 首風之狀頭面多汗惡風當先風下日則病甚
 頭痛不可以出內至其風日則病少愈 漏風之狀或多
 汗常不可單衣食則汗出其則身汗喘息惡風衣常濡口
 乾善渴不能勞事 泄風之狀多汗汗出泄衣上口中乾
 上漬其風不能勞事身體盡痛則寒
 右五臟風症多汗惡風其治法用仲景桂枝湯之類孫
 真人皆灸本臟背腧兼用續命湯治之
 靈黃帝曰人之善病風厥漉汗者何以候之少俞荅曰肉

考異

不堅腠理疎則善病風帝曰何以候肉之不堅也少俞荅
 曰腠肉不堅而無分理理者粗理粗理而皮不緻者腠理
 疎此言其渾然者五變論
 暴厥而聾偏塞閉不通內氣暴薄也不從內外中風之
 病故瘦留着也通評虛實論 汗出而身熱者風也全文
 煩 尺膚滑其淖澤者風也 尺膚滑而澤脂者風也全文
 見診法
 脈浮而大者曰風 病風以日夕死全文見
 中風 卒中之初 中分淺深
 中淺半身偏痛舌能言 中深半身不收舌難言
 產中風 口噤 口眼喎斜 癢
 中風世俗之稱也其症卒然仆倒口眼喎斜半身不遂或
 舌強不言唇吻不收是也然各各有不同其本然仆倒者

經稱爲擊件世又稱爲卒中乃初中風時如此也其口眼
 喎斜半身不遂者經稱爲偏枯世又稱爲左癱右瘓及腿
 腿風乃中倒後之証邪之淺者如此也其舌強不言唇吻
 不收者經稱爲癱病世又稱爲風懿風氣亦中倒後之症
 邪之深者如此也東垣以邪淺爲中脈中腑而易治邪深
 爲中臟而難治者得之矣凡病偏枯必先仆倒故內經連
 名稱爲擊仆偏枯也後世迷失經意以偏枯癱病之旨一
 以中風名之遂指偏枯爲枯抽之枯而非左癱右瘓之症
 習俗之弊至于如此也殊不知仲景云骨傷則瘓名曰枯
 蓋痿緩不收則筋骨氣肉無氣以生脉道不利手足不稟
 水穀之氣故曰枯非細之謂也或積日累月漸成細者間
 有之非可便指枯爲細也

內經
內傷

凡治消痺仆擊偏枯痿厥氣滿發逆肥貴人則膏梁之

疾也

通評虛

三陰三陽發病爲偏枯痿易四肢不舉

見診病傳變矣樞云真氣去邪氣獨留發爲偏枯

靈其有三虛而偏中於邪風則爲擊仆偏枯矣九宮入風篇

風中五臟六腑之俞亦爲臟腑之風各入其門戶所中則

爲偏風全文見諸風

右經四節論偏枯前一節屬內傷後二節屬外感蓋此
 症內傷外感相兼而成也至于河間東垣丹溪則專主
 內傷仲景陳無擇孫思邈則專主外感今詳偏枯邪淺
 者宜瀉外感爲主補內傷佐之癱病邪深者宜補內傷
 爲主瀉外感佐之也

垣中風爲首病之長乃氣血閉而不行此最重疾凡治風
 之藥皆辛溫上通天氣以發生爲體是元氣始出地之根
 蒂也

河間東垣主內傷

風病多因熱盛。俗云風者言末而忘其本也。所以中風而有癱瘓諸症者，非謂肝木之風實甚而卒中之也。亦非外中于風，良由將息失宜，而心火暴甚，腎水虛衰，不能制之，則陰虛陽實，而熱氣怫鬱，心神昏冒，筋骨不為用，而卒倒，無所知也。多因喜怒思悲恐之五志有所過極，而卒中者，由五志過極，皆為熱甚故也。所謂肥人多中風者，肥則腠理緻密，而多鬱滯，氣血難以通利。若陽熱又甚，而鬱結甚，故多卒中。中其瘦者，腠理疎通，而多汗洩，血液衰少，而為燥熱，故多有勞嗽之疾也。然肥人反勞者，由暴然亡液，損血過極故也。瘦人反中風者，由暴然陽熱太甚，而鬱結不通，故也。經云人之氣以天地之疾風名之，故中風者非外來風邪，乃本氣病也。凡人年逾五旬，氣衰者多有此疾。壯歲之際無有也。若肥盛則間有之，亦形盛氣衰如此治。

法宜和臟腑通經絡，便是治風。東垣論中風從內出其治法，則如外入之証，亦以發

仲景無擇思中主外屬

仲夫風之為病，當半身不遂，或但臂不遂者，此為痺脈微，而數中風使然。無擇諸方論中所謂左癱右瘓者，蓋邪氣中入邪氣反緩，正氣即急，正氣引邪，喎僻不遂也。風懿者以心悶閉不能言，俱噫噎作聲，蓋肺氣入心，則能言，邪中心肺涎潮塞故使然也。四肢緩縱為風痲者，以風涎散注于關節，氣不能行，故使四肢不遂也。舌強不能言者，以風入心脾經，心之別脈系于舌本，脾之脈俠咽連舌水散舌下，今風涎入其經絡，故舌不轉而不能言也。四肢拘攣者，以中風冷邪氣入肝臟，使諸經攣急，屈而不伸也。風柔者，以風熱入于肝臟，使諸經張緩而不收也。故經曰寒則攣急，熱則弛張。風顛者，以風入于肝臟經絡，上氣不守正位。

故使頭招面搖手足顛掉也風瘖者以風冷之氣客于中
滯而不能發故使口噤不能言也與前所謂涎塞心肺同
候此以口噤為差耳腿腿風者半身不遂失音不語臨事
不前亦偏中于心肺經所致也風從外入

卒中之初

初治

初中倒時隨即醒者宜治若不醒者宜稱人中至醒若痰
涎壅盛者宜吐之口噤者亦宜吐之若口開手撒遺尿者
為陽暴絕速宜大料參芪補接之若眼戴上者宜灸之

本治中風忽然昏倒若醉形體昏悶四肢不收風涎潮于
上膈氣閉不通宜救急稀涎散

猪牙皂角四錢肥實不黑皮 晋礬光明者一兩

右為細末研勻輕者五分重者二錢七溫水調灌下不
大嘔吐但微微令涎出一二升便得醒醒後緩緩調治

不可復大投藥餌恐過傷入

治中風同前症勝金丸

生薄荷兩半 猪牙皂角二兩 麩碎水一升 二味
一處浸取汁研成膏

苾芾兩 梨蘆兩 硃砂半兩

右將硃砂末二分與二味末研勻用膏子搜和丸如龍
眼大以硃砂為衣溫酒化下一丸甚者二丸以吐為度
得吐即醒不醒者不可治必用方論中風无吐法引益
虎碧霞為戒且如卒暴涎生聲如引鋸牙關緊急氣閉
不行湯藥不能入命在須臾者執以无吐法可乎但不
當用銀粉藥恐損脾壞入四肢爾予用此三方每每有

驗羅謙甫方有粉霜鉛
粉無梨蘆治法同

治急中風口閉涎止欲垂死者一服即瘥

江子二粒去皮膜 白礬如梅梅大

右將二味在于新瓦上煨令江子焦赤為度為末煉蜜丸如雞豆大每服一九用綿裹放患人口中近喉處良久吐痰立愈

中倒後口禁牙關緊急治法另見後口禁門亦用吐法

玄風病口開手撒眼合遺尿鼻聲如鼾者五臟氣絕也蓋口開者心絕手撒者脾絕眼合者肝絕遺尿者腎絕聲如鼾者肺絕也若見一猶可用工若面赤時黑主陽上散腎水反克心火黃遺尿口開氣喘者斷不救也

五臟氣絕速宜大料參芪煎濃湯灌之及臍下大艾灸之亦可轉死廻生也

羅治中風眼上戴不能視者灸第一椎骨第五椎上各七壯一齊下火炷如半東核大立愈

中分淺深

表裡

靈虛邪偏客于身生其入深內居榮衛榮衛稍衰則真氣

去邪氣獨留發為偏枯故其邪氣淺者脉偏痛刺節真邪篇

偏枯身偏不用而痛言不變志不亂病在分腠之間巨針

取之益其不足損其有餘乃可復也非之為病也身無痛

者四肢不收志亂不甚其言微知可治其則不能言不可

治也痺廢也非即偏枯之邪氣深者非與偏枯是二疾以名辨或偏廢或全廢皆曰痺也

右內經論中風之淺深也其偏枯身偏痛而言不變志

不亂者邪在分腠之間即仲景東垣所謂邪中腑是也

痺病無痛手足不收而言瘖志亂者邪入于裡即仲景

東垣所謂邪中臟是也

診

仲寸口脉浮而緊緊則為寒浮則為虛寒虛相傳邪在皮

膚浮者血氣虛絡脉空虚賊邪不馮或左或右邪氣反緩

正氣即急正氣引邪喘僻不遂邪在于絡肌膚不仁邪在于經即重不勝邪入于腑即不識人邪入于臟舌即難言口遂吐涎

在臟在腑在經之治法

風者百病之始善行而數變行者動也風本為熱熱勝則風動宜以靜勝其躁養血是也治須少汗亦宜少下多汗則虛其衛多下則損其榮汗下各得其宜然後可治其在經雖有汗下之戒而有中臟中腑之分中腑者宜汗之中臟者宜下之此雖合汗下亦不可過也仲景云汗多則亡陽下多則亡陰亡陽則損氣亡陰則損形故經言血氣者人之神不可不謹養也所謂表裏不和須汗下之表裡已和是宜治之在經也其中腑者面顏頭五色有表証而脈浮惡風惡寒拘急不仁或中身之後或中身之前或中身之側皆曰中腑也其病多易治其中臟者唇吻不收舌

不轉而失音鼻不聞香臭耳聾而眼瞽大小便秘結皆曰中臟也其病多難治若風中腑者先以加減續命湯隨証發其表如兼中臟則大便多秘澀宜以三化湯通其滯表裏証已定別無變端後以大藥和而治之太抵中臟者多着四肢中臟者多滯九竅雖中臟者多兼中臟之証至于舌強失音久服大藥能自愈也

中血脈則口眼喎斜中腑則肢節廢中臟則性命危急此三者治各不同如中血脈外有六經之形証則從小續命湯加減及疎風湯治之如中腑內有便溺之阻宜三化湯或局方中麻仁丸通利之外無六經之形証內無便溺之阻隔宜養血通氣大秦芫湯羌活愈風湯治之中臟痰涎昏冒宜至寶丹之類鎮墜若中血脈中腑之病初不宜用龍麝牛黃為麝香入脾治肉牛黃入肝治筋龍腦入

腎泄骨疼引風深入骨髓如油入麪莫之能出又不可一
槩用大戟芫花甘遂瀉大便損其陰血則真氣愈虛言中
臟者大小秘蓋大小秘蓋大小秘蓋大小秘蓋大小秘蓋大小
便不秘結者也

中淺半身偏痛舌能言

難經所謂偏枯身偏不用而痛言不變志不亂病在分腠
是也

表

解表雜方

仲三黃湯治中風手足拘急百節疼痛煩熱心亂惡寒終
日不欲飲食腹無擇熱半身
不遂失音不言

黃芪錢三 獨活錢四 細辛錢二 麻黃錢五
黃芩錢三

右五味以水六升煮取二升分溫作三服一服小汗二
服大汗心熱加大黃二錢腹滿加枳實一枚氣逆加入

參三錢悸加牡蠣三錢渴加瓜蒌根三錢先有寒加附
子一枚

疎風湯治半身不遂或肢體麻痺筋骨疼痛

麻黃去節三兩 益智仁 杏仁去皮尖各一兩炒
甘草炙 升麻各五錢

右咬咀每服一兩水一小碗煎至六分去渣熱服脚腫
熱水葫蘆候大汗出去葫蘆冬月不可服

海拯濟換骨丹自汗者不宜服

槐皮寺木芷 仙人防首蔓 十味各等分
苦味香減半 龍麝加少許 硃砂作衣纏
麻黃膏煎丸 大小如指彈

右治半身不遂口眼喎斜手足不仁言語蹇澁或痛入
骨髓或痺在皮膚或中急風涎潮不言精神昏塞行步

艱難筋脉拘急左癱右瘓一切風疾並皆治之

槐筴子生 人參 桑白皮 蒼朮

川芎 何首烏 蔓荊子 葳靈仙

防風各二兩 五味子 木香 苦參各一兩

香白芷二兩 麝香二錢 龍腦二錢 辰砂五錢

右十四味為細末入麝香令勻又用麻黃十斤去根節

用大河水三石三斗熬至六斗去滓再熬至三斗半入

銀石器內熬成膏入前藥末和勻拌三五十下藥一兩

作十九硃砂為衣每服一丸先搗碎酒一盞浸自晨至

晚食後臨卧攪勻服之神清無睡是藥之驗更隔五日

服之如無汗宜服若體自汗服之是重亡津液也若風

盛人于密室溫臥取汗

羅續命丹治男子婦人卒中諸風口眼喎斜言語蹇澁牙

關緊急半身不遂手足搖擗頑痺疼痛涎潮悶亂婦人血
風喘嗽吐逆坐臥不寧

川芎 羌活 南星姜 川烏

白蘚皮 海桐皮 肉桂 當歸

防風 熟地 乾葛各 地榆

虎骨 硃砂 鉛白霜 烏朮生

牛黃 雄黃各三錢 輕粉二錢

麻黃去節四兩以好酒三升

右為末以麻黃酒汁入蜜半斤熬成膏和藥為丸彈子
大每服一丸荳淋酒下或葱湯化下不拘時候申書左
丞張仲謙患半身不遂麻木大醫劉子益與服之汗大
出一服而愈

本服桑枝法桑枝一小升細切炒香以水三大升煎取二

行中道
雜方

寒

升一且服盡無時圖經云系枝温平不凉不熱可以常服
療體中風痺乾燥脚氣風氣四肢拘攣上氣眼暈肺氣咳
嗽消食利水便火服身輕聰明耳目令入光澤蕪療口乾
仙經云一切仙藥不得煎煎不服出抱朴子政和間何子
常病兩臂痛服諸藥不效依此作數劑臂痛即愈
外療偏風半身不遂冷痺症附于一兩生用吹咀納于無
灰酒中經一七日隔日飲之服一小合瘥

中深半身不收舌難言

經所謂非之為病身無痛四肢不收志亂不甚其言微知
可治甚則不能言者是也

風症辨

今世所謂風病多與痿証液同論治良由局方多以治
風之藥通治諸痿也古聖論風痿各有篇目源流不同治
法亦異不得不辨按風論風者百病之長至其變化乃為

作病又曰善數變曰因于露風曰先受邪曰在膝理曰
客曰入曰傷曰中歷陳五臟與胃之傷皆多汗而惡風其
發明風邪係外感之病有臟腑內外寒熱虛實之不同若
是之明且盡也別無癱緩痿弱卒中不省僵仆喎邪攣縮
眩運語澁不言之文也或曰吾子謂內經風論主于外感
局方用麻黃桂枝輩將以解風寒也用腦麝葳蕤仙黑牽
牛輩將以行疑滯也子之言過矣曰風病外感善行數變
其病多實少虛發表行滯有何不可治風之外何為又歷
述神魂恍惚起便須入手足不隨神志昏憤癱緩躡曳手
足筋攣眩運倒仆半身不遂膝脚緩弱四肢無力顫掉拘
攣不語語澁等諸痿症兼治之考諸痿論肺熱葉焦五臟
因而受之發為痿躄心氣熱生脈痿故經縱不任地肝氣
熱生筋痿故宗筋弛縱脾氣熱生肉痿故痺而不仁腎氣

中帶攻
丹溪補

熱生骨痿故足不任身又曰諸痿皆生于上謂之上者指病之本在肺也又曰昏感曰瘳瘳曰暴病曰鬱冒曰矇昧暴暗曰瞽瞍皆屬于火又曰四肢不舉曰舌本強曰足痿不收曰痿涎有聲皆屬于上又禮記註曰魚肉不產也以養陽作陽德以為倦怠是濕熱肉傷之病當作諸痿治之何局方治風之方兼治痿者十居八九不思諸痿皆起于肺熱傳入五臟散為諸症大抵只宜補養若以外感風寒治之寧免實實虛虛之禍乎風病外感之邪有寒熱虛實而挾寒者多痿病內熱之傷皆是虛証無寒可散無實可瀉局方本為外感立方而以內傷熱証滾同一治其為害也似非細故

右丹溪諸論蓋因局方治中風孟浪用發表行濕之藥成賊血氣誅伐根本不知補養之法故引痿病以救局

風病治
痰為先
左右氣
血之分

方之失而其言如此然局方所述中風手足不隨起便須入神魂恍惚不語語澁等証即內經熱病相同至于異處不得不察針經刺節直邪云真氣去邪獨留發為偏枯痿論云陽明虛則宗筋縱帶脈不引而足痿不用由是知手足不隨者在偏枯手足為邪氣阻塞脈道而然在痿病則陽明虛宗筋縱帶脈不引而然也非病有言變志亂之症痿病則無之也非病又名風痺而內傷外感兼備痿病獨得于內傷也非病發于擊仆之暴痿病發于怠惰之漸也凡此皆明辨與痿明是兩疾也

大率治風主血虛有痰治痰為先或作屬虛挾火與濕半身不遂者大率多痰在左屬死血在右屬痰左以四物湯等加桃仁紅花竹瀝姜汁右以二陳四君子湯等加竹瀝姜汁氣虛有痰者濃煎獨參湯加竹瀝姜汁聲

如齋者屬氣虛以人參一兩煎湯一盞入竹瀝姜汁遺
尿者亦屬氣虛以參芪竹瀝姜汁與之少食者亦為氣虛
宜參芪竹瀝血虛有痰宜四物湯俱用姜汁炒恐沉痰
再加竹瀝入內服治痰若氣虛少食者用竹瀝氣實能
食者加荆瀝此二味開經絡行氣血入四物湯中必少用
姜汁肥人多濕用附子烏頭行經肥人中風口喎手足麻
木左右俱作痰治用

具母 瓜蒌 南星 半夏 陳皮 黃芩 白朮
黃蓮 羌活 黃柏 防風 荆芥 歲莫仙 薄荷
桂心 甘草 天花粉 多食濕麪加附子竹瀝姜汁
酒一匙行經

瘦人多火
瘦人脈虛火實四物湯加牛膝竹瀝一匙行經黃芩黃柏
有痰加痰藥痰壅盛者口眼喎邪者不能言者皆皆用託

氣虛治
驗

法輕者用瓜蒂蝦汁皂角急者用黎蘆五分或三分加射
香灌入鼻內吐痰出如口不噤者灌入口內吐痰出一吐
不已再吐之亦有虛而不可吐者有痰者先吐後用藥
羅風中腑兼中臟治驗○順德府張安撫耘夫年六十一
歲于己未閏十一月初患風証半身不遂語言蹇澁心神
昏憤煩躁自汗表虛惡風如洒冰雪口不知味鼻不聞香
臭耳聞木音則驚怖小便頻多大便結燥欲用太黃之類
下之則平日飲食減少不敢用不然則又滿悶晝夜不得
瞑目而寐最苦于此約有三月餘凡三易醫病全不減至
庚申三月七日又因風邪加之痰嗽咽乾燥疼痛不利唾
多中脘氣痞似噎子思內經云風寒傷形憂恐忿怒傷氣
氣傷臟乃病臟病形乃應又云人之氣以天地之疾風名
之此風氣下陷入陰中不能生發上行則為疾矣又云形

樂志皆病生于脉神先病也邪風加之邪入于經動無常處前証互相出見治病必求其本邪氣乃服論時月則宜升陽補脾胃瀉風木論病則宜實表裡養衛氣瀉肝木潤燥益元氣慎怒是治其本也宜以加減冲和湯主之

柴胡 黃芪各五 升麻 當歸
甘草各三錢 半夏 黃柏洗酒 黃芩
陳皮 人參 芍藥各二

右咬咀作二服水二盞前至一盞去渣溫服自汗加黃芪五分五味子二十粒晝夜不得睡乃因心事煩擾心火內動上乘陽分衛氣不得交入陰分故使然也以硃砂安神丸服之由是晝亦得睡十日後安撫曰不得睡三月有餘今困睡不已莫非它病生否予曰不然衛氣者晝則行陽二十五度夜則行陰二十五度此衛氣交

入陰分循其天度故安撫得睡也何病之有焉止有眼白睛紅隱澁難開宜以當歸連翹湯洗之

黃連 黃柏各五 連翹四 當歸
甘草各三

右作二服水二盞前至一盞去渣時時熱洗十三日後至日晡微有悶亂不安于前冲和湯中又加柴胡三分以升少陽之氣飲三服至十五日全得安卧減自汗惡寒燥熱曾膈痞元小便多服藥後小便減少大便一二日一行鼻聞香臭口知味飲食如常脉微弦而柔和按之微有力止有咽喉中妨悶會厭後腫舌赤早晨語言快利午後微澁宜以玄參升麻湯治之

升麻 黃連各五 黃芩炒四 連翹
桔梗各三 鼠粘子 玄參 甘草

姜蚕各三分 防風一分

右咬咀總作一服水二盞煎至七分去渣稍熱噙漱時咽之前症良愈止有牙齒無力不能嚼物宜以牢牙散

牢牙散治牙齒無力不能嚼物

羊脛骨灰 升麻各二 生地 黃連

石膏各一 白茯苓 人參各五分 梧桐淚三分

右為細末入麝香研勻臨臥擦牙後以溫水漱之安撫初病時右肩臂膊痛無主持不能舉動多汗出肌肉瘦不能正臥則痛甚經云汗出阻使入偏枯余思針經云虛與實隣決而通之又云留瘦不移節而刺之使經絡通種血氣乃復又云隔下者灸之為陰氣下陷入陰中有膊時痛不能運動以火導之火引而上補

乏溫之已上症皆宜灸刺為此先刺十二經之井穴于四月十二日右肩臂上有井穴內先針後灸二七壯及至灸瘡發于枯瘦處漸添肌肉汗出少肩臂微有力至五月初八日再灸左肩井次于天澤穴各灸二十八壯引氣下行與正氣相接次日臂膊又添氣力自能搖動矣時值仲夏暑熱漸盛以清肺飲子補肺氣養脾胃定心氣

白芍藥五分 人參 升麻 柴胡各四分

天門冬 麥門冬各三分 陳皮二分 甘草生

甘草炙 黃芩 黃柏各二分

右咬咀作一服水三盞煎至一盞去渣溫服食後汗多加黃芪五分後以潤腸丸潤腸丸治胃膈痞滿大便澀滯

麻子仁研 大黃酒煨各一兩半 歸尾 枳實

白芍藥 桃仁泥 升麻兩 人參

甘草生 陳皮各三錢 木香 檳榔各二錢

右除桃仁麻仁外為末却入二仁泥蜜和丸如桐子大

每服七八十九溫水食前服初六日得處暑節暑猶未

退宜微收實皮毛益胃氣秋以胃氣為本以益氣調榮

湯主之藥中加時藥使邪氣不能傷也

人參三分為臣 益氣和中 陳皮二分為佐 順氣和中

熟地二分為佐 養血 潤燥瀉陰火 白芍藥四分為佐 補脾 微收肝木之邪

白朮三分為佐 養胃 和中厚腸胃 升麻二分為使 使陽明 氣上升滋榮百脉

當歸二分為佐 和血潤燥 黃芪五分為君 實皮 止自汗益元氣

半夏二分 療風痰 強胃進食 甘草二分 為使 引少陽之氣使 胃氣溫中益氣

柴胡二分 為使 引少陽之氣使 出于胃中乃風行乎天上

麥門冬三分為佐 猶有暑氣未退故 加之安肺氣至秋分節不用

右吹咀作三服水二盞煎至一盞去渣溫服忌食辛熱之物反助暑邪秋氣不能收正氣得復而安矣

厥逆

太陰所謂入中為瘡者陽盛已衰故為瘡也內奪而厥則為瘡辨此腎虛也少陰不至者厥也脉解篇王註云瘡瘵也腎氣內奪則

不至舌下舌瘡也 足瘡也

河地黃飲子治活瘡不能言足瘡不能用腎虛弱其氣厥

不至舌下

熟地 巴戟 山茱萸 肉苁蓉酒浸

石斛 附子炮 五味子 白茯苓

菖蒲 遠志去心 官桂 麥冬去心各

右為末水一盞半每服三錢生姜五片棗一枚薄荷同煎至八分不拘時服

熱煩者
冷補之

肘治中風四肢逆令吐清水婉轉啼呼者取桂二兩改咀
以水三升煮取二升去渣適寒溫盡服

地黄煎治熱風心煩悶及脾胃熱不下食冷補方

生地汁 枸杞根汁各二升 生姜汁

酥各三升 荆瀝 竹瀝各五升 天門冬

人參各八兩 茯苓兩 大黃 梔子各四兩

右十一味搗後五味為細末先煎地黄等汁成煎次納

藥末攪勻每服一七日再漸加至三七覺利減之

荆瀝湯治患風人多熱宜服

荆瀝 竹瀝 生姜汁各五升

右三味相和溫暖為三服每白且服煮散午後進此平

復乃止煮散見後解表雜方條

口禁藥
案下者

唐主太后中風不能言脉沉而口噤醫人許胤宗曰既

薰不能下藥宜湯氣薰之藥入膝理週時可瘥入煎黃芪防

風湯數斛置床下氣如烟霧薰之其夕便得語藥力薰蒸其效如此

丹溪云人之口通乎地鼻通乎天口以養陰鼻以養陽

天主清故鼻不受有形而受無形地主濁故口受有形

而兼乎無形王太后病風不言而脉沉其急非大補不

可也若以有形之藥湯緩不及事今以黃芪防風煎湯

氣如烟霧滿室則口鼻俱受非智者通神之法不可為也

雜方食主風中心氣風熱手足不遂及風痺不在筋脉五緩恍

惚煩躁熊肉二斤切如常法調和作臠臠空肚服之

肘中緩風四肢不收者豉三升木九升煮三升分為三服

日二服亦可酒漬飲之治卒風中不得語煮豆煎汁如

飴食之亦可濃者飲之佳
聖治卒風中不語舌根強硬陳普五合三年者妙人乳汁
五合二件相和研以生布絞取汁不計時候少少與服又
當愈

肘治中風卒不得語以苦酒煮白芥子附頸一周以綿裹
之一日夕而瘥

凡治中風莫如續命之類然此可扶持初病若要收全功
火艾為良中風皆因脉道不利血氣閉塞也灸則喚醒脉
道而血氣得通故收全功

本凡中風續命排風上引竹瀝諸湯及精神丹茵芋酒之
類更加以灸無不愈者然此疾積聚之久非一日所能攻
皆太劑久而取效唐書載王太后風瘖不語醫者煮黃芪
防風湯數斛以薰之得瘥蓋此類也令人服三五盞求效

則責醫也亦速矣孟子曰七年之病必求三年之艾久而
後知爾

仲景攻中帶補
續命湯治中風痲身體不能自收口不能言冒昧不知
痛處或拘攣不能轉側

- 麻黃兩六 桂枝兩二 當歸各一
- 石膏兩四 乾姜 甘草各一
- 杏仁枚三十

右九味以水一斗者取四升溫服一升當小汗薄覆脊
憑几坐汗出則愈不汗更服無所禁勿當風并治肺風
但服不得臥咳逆上氣面目浮腫

解表
治中風外有六經之形症先以加減續命湯隨証治之

- 麻黃節去 人參 黃芩 芍藥
- 甘草炙 川芎 杏仁燹炒去 防已

官桂

防風各一 附子炮去皮

右除附子杏仁外搗為粗末後入一味冷勻每服五錢

水二盞半生姜五片煎至一盞去渣稍熱服食前

如無汗惡寒者加麻黃 防風 杏仁 右依本方

加一倍宜針太陽經至陰出血 如有汗惡風者加

桂枝 芍藥 杏仁 右依本方加一倍宜針風府已

上二証太陽中風也

如身熱汗不惡寒者加知母 石膏 甘草 如

身熱汗不惡寒者加葛根 桂枝 黃芩 右依

本方加一倍宜針陷谷刺厲兌針陷谷者去陽明之賊

也刺厲兌者瀉陽明之實也已上二証陽明中風也

如無汗身涼者加附子 乾姜 甘草 宜針隱白

去太陰之賊也此一証太陰中風也

如有汗無熱加桂枝 附子 甘草 若依本方加

一倍宜針太溪此一証少陰中風也

如無此四証六經混淆繫于少陽厥陰或肢節攣痛或

麻木不仁宜羌活連翹續命湯

小續命湯羌活兩 連翹兩

右古之續命混殺無經今立分經治療又各分經針刺

無不愈也治法宜刺厥陰之井大敦以通其經灸少陽

之經絕骨以引其熱是針灸同象治法之太體也

附雲岐子加減法 如精神恍惚加茯苓 遠志 如

心煩多驚者加犀角兩 如骨節間煩庸有熱者去附

子倍芍藥 骨間冷痛者倍用桂枝附子 如燥悶小便

澀者去附子倍芍藥入竹瀝一合煎服 如臍寒下痢者

去防已黃芩倍附子白朮一兩熱痢不可 如脚弱加牛

黃芩

附子

攻裡內有便溺之阻隔復以三化湯導之

膝石斛各一兩如身疼痛加秦艽一兩如腰痛加桃
仁杜仲各半兩如失音加杏仁一兩如或歌笑語無
所不及者用麻黃三兩人參桂枝白朮各二兩無附子防
風生姜有當歸一兩自汗者去麻黃杏仁加白朮春加
麻黃一兩夏加黃芩七錢秋加當歸四兩冬加附
子半兩

厚朴姜 枳實 羌活各等

右剉如麻苳大每服三兩水三升前至一升半服之以
微利則已如內邪已除外邪已盡當從愈風湯以行中
道又服太風悉去縱有微邪只從愈風湯加減治之然
治病之法不可失于通塞或一氣之微汗或一旬之通
利此為常治之法也又則清濁自分榮衛自和矣

行中道

羌活愈風湯療肝腎虛筋骨弱語言難精神昏憤及治風
濕內弱者其風執體重也或瘦而一枝偏枯或肥而半身
不遂或恐而健忘喜而多思思忘之道皆精不足也故心
亂則百病生靜則萬病息是以此藥能安心養神調陰陽
無偏勝保命集云內邪已除外邪已盡當服此藥以行中
服之如覺風動服大風悉去縱有微邪只從此藥加減
服此不致動什

- | | | | |
|----------------------|---------------------|------------------------|----------------------|
| 羌活 | 甘草 <small>炙</small> | 防風 <small>去</small> | 黃芪 <small>去</small> |
| 蔓荊子 | 川芎 | 細辛 <small>去</small> | 枳殼 <small>炒去</small> |
| 人參 <small>去</small> | 地骨皮 | 麻黃 <small>根去</small> | 知母 <small>去</small> |
| 甘菊 | 薄荷 | 枸杞 | 當歸 <small>去</small> |
| 獨活 | 白芷 | 杜仲 <small>炒去</small> | 秦艽 <small>去</small> |
| 芍藥 <small>去</small> | 黃芩 | 白茯苓 <small>已上各</small> | |
| 石膏 <small>三兩</small> | 生地 | 蒼朮 <small>各四兩</small> | 肉桂 <small>兩</small> |

設身是圖是二

二

右剉每服一兩水二盞煎至三盞去渣溫服如遇天陰
 加生姜三片煎空心一服臨臥再煎吞服俱要食遠服
 空心嚥下二丹丸謂之重劑臨臥嚥下四白丹謂之輕
 劑是動以安神靜以清肺 假令一氣之微汗用愈風
 湯三兩加麻黃一兩勻作四服每服加生姜五七片空
 心服以粥投之得微汗則佳 如一旬之通利用愈風
 湯三兩大黃一兩亦勻作四服如前煎臨臥服之得利
 為妙常服之藥不可失四時之輔如望春太寒後加半
 夏柴胡人參各二兩木通四兩此迎而奪少陽之氣也
 望夏加石膏黃芩知母各二兩此迎而奪陽明之氣
 也 季夏之月加防己白朮茯苓各二兩此勝脾土之
 濕也 秋初太暑後加厚朴藿香各二兩桂一兩此迎
 而奪太陰之氣也 望冬霜降後加附子官桂各一兩

當歸二兩此勝少陰之氣也 如得春減冬所加藥四
 時類此此藥治七情六慾四氣無使五臟偏勝及不動
 于榮衛如風秘服之永不燥結如久瀉服之能自謂適
 初覺風氣便服此藥與局方天麻丸一料相為表裡乃
 治未病之聖藥也不問男子婦人小兒風癩急慢風等
 病服之神效

四白丹能清肺氣養髓為中風者多昏員氣不清利也

- | | | | |
|-----|--------|------|------|
| 白朮 | 白茯苓 | 人參 | 砂仁 |
| 香附 | 甘草 | 防風 | 川芎各半 |
| 白芷兩 | 白檀半錢 | 知母二錢 | 羌活 |
| 薄荷 | 獨活各二錢半 | 細辛二錢 | 麝香一錢 |
| 牛黃錢 | 龍腦半錢俱 | 藿香半錢 | 甜竹葉二 |
- 右為細末煉蜜丸如桐子大每兩作十九臨臥嚼一丸

用愈風湯送下能上清肺氣下強骨髓
二丹九治健忘養神定志和血內以安神外華腠理

熟地 天冬 丹參各一兩半 茯神

甘草各一兩 菖蒲兩 遠志去心半兩 人參兩半

麥冬去心一兩 硃砂二錢

右為細末煉蜜丸如桐子大空心用愈風湯送下至六十九

中風外無六經之形証內無便溺之阻格知為血弱不能養筋故手足不能運動舌強不能言語宜養血而筋自榮也當以秦朮湯主之

秦朮 石膏 甘草 川芎

當歸 羌活 獨活 防風

黃芩 白芍藥 白芷 白朮

生地 熟地 白茯苓各一兩 細辛兩半

右剉每服一兩水二鍾煎至一鍾去滓溫服無時如遇

天陰加生姜七八片如心下痞每服一兩加枳實一錢

同煎

天麻丸行榮衛壯筋骨

天麻六兩酒浸三日酒乾 玄參兩六 牛膝六兩酒浸三日焙乾

苧麻六兩另 杜仲炒七兩剉去絲 當歸全用十兩

羌活兩十 生地兩六 附子炮二兩

獨活五兩一方無

右為細末煉蜜丸如桐子大每服五七十九丸病大至百
黃丸空心食前溫酒或白湯服忌壅塞失于通利故服藥
半月稍覺壅塞微以七宣丸輕疎之使藥可為用也
如素有痰久病中風津液湧溢在胸中氣不得利者用獨

法痰用吐

聖散吐之後用利氣瀉火之劑

獨聖散治諸風隔痰諸癩痰涎津液湧溢用芫蒂一兩炒黃色為末每服量虛實久新或二錢藥末茶一錢酸醃汁一鍾調下若用吐法須天氣清明陰晦無用如病卒暴者不拘此法吐時宜辰卯二時故內經云平旦至日中天之陽陽中之陽也若論四時之氣神景木法春宜吐是天氣在上人氣亦在上一日之氣辰卯是其候也故宜早不宜夜先令病人隔夜不食如服藥不吐用熱醃水投之如吐風癩者加全蝎五分微炒如有虫者加狗油五七點雄黃末一錢甚者加芫花五分立吐虫出如濕腫滿者加赤小菴末一錢此藥不可常用太要辨其虛實實則瓜蒂散虛則梔子豉湯蒲加厚朴不可一槩用之吐罷可服降火利氣安神定志之劑

清熱

瀉瀉清丸治中風自汗昏冒發熱不惡風寒不能安臥此是風熱煩躁方見冷虛實法

鮮表雜方

一婦人年六十左癱手足不語涎痰

合防風 荆芥 羌活 南星

沒藥 乳香 木通 茯苓

厚朴 桔梗 甘草 麻黃

全蝎 紅花

右作米酒湯下不拘時春脉漸伏以淡鹽湯壅汁每早一碗吐五日仍以白木甘草陳皮厚朴葛蒲一日二貼後以川芎山梔豆豉瓜蒂葶藶粉壅湯吐了用蒼朮南星生姜牛膝茯苓酒糊丸服十日後夜間微汗手足動而能言

千竹瀝湯治風痺四肢不夜心神恍惚不知入不能言方

患熱風者必先用此以制熱毒

竹瀝升一

生葛汁升一

生姜汁合五

右三味相和溫服分三服平旦日晡夜各一服服訖覺

四肢有力次進後湯方

竹瀝升一

生葛汁合五

芎藭

防已

附子

人參各一兩

羚羊角三兩

芍藥

黃芩

甘草

桂心各兩

生姜四兩

石膏六兩

杏仁四十枚

麻黃

防風各二兩半

右十六味咬咀以水七升煎減半納瀝再煮取二升五

合分三服取汗聞五日更服一劑頻服三劑漸覺少損

仍進後方

竹瀝升一

防風

升麻

羚羊角

防已

桂心

芎藭各二兩

麻黃三兩

右八味咬咀以水四升合竹瀝煮取二升半分三服兩日服一劑常用加獨活三兩此方神良頻進三劑若手足冷者加生姜五兩白朮二兩若未除更進後服

竹瀝升一

甘草兩二

人參

芎藭

獨活

升麻各二兩

防風

麻黃

芍藥各一兩半

羚羊角

生姜

石膏

附子一作杏仁

防已

桂心

黃芩

白朮各二兩

右十七味咬咀以水八升煮減半納瀝煮取二升半分

三服相去如行人十里又更服若有氣者加陳皮牛膝

五加皮各一兩

凡風痺服前湯得瘥訖可常服者散除餘風方

防已

防風

獨活

秦艽

- 黃芪 芍藥 人參
- 白朮 茯苓 羚羊角
- 升麻 石斛 牛膝
- 丹參 甘草 厚朴
- 陳皮 地骨皮 黃芩
- 乾地黄 杜仲 生薑
- 檳榔 藁本 烏犀角
- 石膏 各二
- 荜薢仁

右三十三味搗篩為粗散和攪勻每服以水三升藥三兩煮取一升綿濾去渣頓服之取汗日服若覺心中熱煩以竹瀝代水煮之

世治卒中風不語桂枝薄辣者去皮一兩懷中藏三箇時辰分三服水煎併進神效

右解表諸方治中風全不能語經所謂甚則不能言者是也

羅犀角防風湯治一切諸風口眼喎斜手足躄拽言語蹇澁四肢麻木皆治之

- 犀角 防風 甘草 天麻
- 羌活 滑石 石膏 麻黃
- 獨活 山梔 荊芥 連翹
- 當歸 黃芩 全蝎 薄荷
- 大黃 桔梗 白朮 細辛

右咬咀每服五錢水二盞生薑十片煎至一盞去渣稍熱服未汗再服如病人臟氣虛則全減大黃

- 輕骨丹治風癱瘓四肢不隨
- 苦參 桑白皮 白芷 蒼朮

甘松

川芎各四兩

麻黃去下五升河水五升煮去查煎成膏至

碗半

右為末入前麻黃膏和丸如彈子大每服一丸溫酒研

化服之臥取汗五七日開再服手足當即輕快卒中涎

潮分利後用之方有浮萍四兩

風藥聖餅子治半身不遂手足頑麻口眼喎斜痰涎壅盛

及一切風他藥不効者小兒驚風大人頭風婦人血風並

治之

川烏生

草烏

麻黃去下各蒼朮

何首烏

白附子

白姜各二

川芎各五

防風

乾姜各二

雄黃各六分

藿香

荆芥各二

右為末醋糊丸如桐子大捏作餅子嚼碎茶湯送下食

後

採浮萍草法并方 不在山兮不在崖採我之病七月

半一任癱風與瘧風些少微風都不差且淋酒內下三錢

鍼僕頭上也出汗

本治風半身不遂此方甚妙

川山甲

左癱用左脚右癱用右脚

川烏頭

紅海蛤各二兩

右為末每用半兩生葱自然汁調成膏作餅子約一寸

半左患貼左脚右患貼右脚貼在足掌心內用舊絹片

緊扎定于密房中無風處椅子上坐用湯一盆將有藥

脚浸于湯中用小心人扶病人恐汗出不能支持候汗

出急去藥如汗欲出時身必麻木以汗週遍為妙如未

効半月後再用一次神妙

世治卒中手足不遂用麥麩五升入烏頭尖一升連翹半

升同醜炊令大熱鋪在席下以手足不遂處臥之令熱氣薰蒸候出汗為度日用三次元藥再蒸用之候兩日外別用新藥如無烏頭尖只用草烏頭半升不去皮尖研作粗末亦可

干治半身不遂用蚕沙兩石分作三袋每袋可七斗蒸熟一袋着患處如今再換一袋依前法數換易百不替不遂止須羊肚釀粳米葱白姜椒豉等煮爛熟喫日食二具十日止此方千金不傳

右解表方治中風語言蹇澁經所謂志亂不甚其言微知者是也

方通裡雜

羅中臟治驗○真定府臨濟寺趙僧判于至元八月間患中風半身不遂精神昏憤面紅頰赤耳聾鼻塞語言不出診其兩手六脉弦數常記紫舌有云中臟者多滯九竅中

腑者多着四肢今語言不出耳聾鼻塞精神昏憤是中臟也半身不遂是中腑也此臟腑俱受病先以三化湯一兩內疎二三行散其壅滯使清氣上升充實四肢次與至寶丹加龍骨南星安心定志養神使各臟之氣上升通利九竅五日音聲出語言稍利後隨四時脉証加減用藥不旬日稍能行步先以繩絡其病脚如履闕或高處得人扶之方可踰也又刺十二經之井穴以接經絡翌日不用繩絡能行幾步百日大勢皆去戒之慎言語及節飲食一年方愈

子和一衲子因陰雨臥濕地二年手足皆不遂若遇陰雨其病轉加諸醫皆作中風偏枯治之用當歸芍藥乳香沒藥自然銅之類久服反加大便澁風燥生經歲不已戴人以舟車丸下三十餘行去青黃沫水五升次以淡劑滲泄

之數自手足能舉戴人曰受風濕寒三氣合而為痺水濕得寒而浮畜于皮膚之間久而不去內舍六腑宜用去水之藥可也水濕者人身中之寒物也寒法則血行血行則氣和氣和則愈矣

世治中風大便秘者用不睡皂角燒灰為細末每服一錢米飲調下

本稀簽丸稀簽俗呼火杪草莖葉頗類蒼耳春生苗葉初開花秋末結實法于五月五日六月六日九月九日採其葉去根莖花實或云秋花成實後和枝取用洗淨曝乾入甑中用酒蜜蒸之九遍焙乾搗篩為細末煉蜜九如桐子大空心用溫酒或米飲下四五十丸張乖崖進表云誰知至賤之中乃有殊常之効臣服至百服眼目清明至千服鬚髮變黑筋骨強健又云甚益元氣療諸疾患備合施

行中道雜方

天服無不効

羅正舌散治中風舌強語澀

雄黃研 荆芥各等分

右為末每服二錢用豆淋酒調下

茯神散治証同前

茯神心炒 薄荷碎 蠟稍去毒

右為末每服一二錢溫酒調下

本治風在肝脾語澀脚弱大便多秘地黃酒

熟地兩 附子 茵芋 羌活

防風 芎藭各一兩 石斛二兩 丹參二兩

牛蒡根二兩 牛膝 杜仲 桂枝各一兩

大麻子升 右剉入絹袋盛寬貯之用無灰酒一斗九升封漬七日

逐日空心食前飲一盞常醺勿令吐

治中風內虛脚弱語塞防風湯

石斛半兩 地黄 杜仲 丹參

防風 川芎 麥門冬 桂心

獨活各一

右為粗末每服五錢水一大盞半棗二枚同煎去渣溫服

治中風入肝脾經四肢不遂舌強語塞竹瀝湯

葳靈仙三錢 附子 桔梗 防風

蔓荊子二錢 枳殼 川芎 當歸各等分

右為粗末每服四錢水一盞竹瀝半盞生姜四片同煎

至八分去渣溫服日三四忌口

治久風邪入肝脾二經言語不轉防已湯

漢防已 防風 桂心 附子各半兩

葳靈仙三錢 麻黃兩半

右為粗末每服四錢水一盞引子半盞煎七分去渣溫服

日三四引子用竹瀝荆瀝地黃汁各一盞生姜汁拌

勻用之已上四方龐先生傳審而用之良驗

獨活煮散治風痺

獨活八分 芎藭 芍藥 茯苓

防風 防已 葛根各六兩 羚羊角

當歸 人參 麥門冬 桂心

石膏各四兩 磁石兩 甘草三兩 白朮五兩

右十六味各切剉分為二十四服每服生姜生地切作

一升杏仁二十枚以水二升煮取七合或日晚或夜中

或日一服或間日服

羅局方至寶丹治風中臟方見聖保命金丹治中風口眼喎斜手足躄拽言語蹇澁四肢不舉晨昏痰多

貫仲兩

生地錢七

大黃兩

青黛

板藍根各三錢

硃砂研

蒲黃

薄荷各二錢半

珠子研

龍腦研各半

麝香研一錢

牛黃半研

右為末研和藥白蜜丸如雞豆大每服一丸細嚼茶清送下新汲水亦得如病人嚼不得薄荷湯化下無時此藥墜痰涎大有神効用金箔為衣
活命金丹治中風不語半身不遂肢節痺疼痰涎潮上咽嗑不利胸膈痞滿上實下虛氣閉面赤汗後餘熱不退勞病諸藥不治無問男女老幼皆可服

板藍根

貫仲

甘草

乾葛各一錢

桂心

芒硝兩

大黃半兩

珠子粉

牛黃研

青黛

生犀屑

薄荷各五錢

辰砂四錢研一錢為衣

麝香研

龍腦錢二

右為末和勻蜜水浸蒸餅為劑每兩作十九丸就濕用硃砂再用金箔四十片為衣臘月修合磁器收貯多年不壞如瘰癧風毒茶清化下解毒藥新汲水化下汗後餘熱勞病及小兒驚風熱病用薄荷湯化下

海解語丸治中風語言不正

白附子

石菖蒲

遠志

全蝎

羌活

天麻

南星

白姜蚕

右為細末蜜丸如棗豆大服之
經治中風及壅滯旋覆花淨洗搗末煉蜜丸如桐子大夜臥茶湯下五九七九至十九
治中風不語喉中如拽鋸

治雜方

醫方類聚

卷之

運氣

針灸

聲口中涎沫取藜蘆一分天南星一枚去浮皮却于臍上
 剉一坑子內入藜蘆陳醋和麪包裹四面用火逼令黃色
 同搗再研極細生麪為丸如小芫大每服三九溫酒下
 運語澁皆屬風經云厥陰司天風淫所勝民病舌本強是
 風氣勝也又云厥陰司天主勝則舌難以言是風氣虛也
 靈帝曰刺節言解惑夫子乃言盡知調陰陽補瀉有餘不
 足相傾移也惑何以解之岐伯曰太風在身血脈偏虛偏
 虛者不足實者有餘輕重不得傾側死伏不知東西不知
 南北乍上乍下乍反乍覆顛倒無常甚于迷惑黃帝曰善
 取之奈何岐伯曰瀉其有餘補其不足陰陽平復用針若
 此疾于解惑黃帝曰善刺節真邪論○盡知調陰陽補瀉
 候面部三候足部三候視其所候之虛瀉其瀉者瀉之虛
 者補之瀉陽經之脈實陰經之脈虛瀉其瀉者瀉之虛
 陰經之脈實陽經之脈虛瀉其瀉者瀉之虛瀉其瀉者瀉之
 左實右虛瀉左補右實左虛瀉右補左之類是也

羅灸風中脈口眼喎斜

聽會二穴

頰車二穴

地倉二穴

凡喎向右者為左邊脈中風而緩也宜灸左喎陷中二七

壯凡喎向左者為右邊脈中風而緩也宜灸右喎陷中

二七壯艾炷如大麥大

灸風中腑手足不遂等疾

百會一穴

肩髃二穴

曲池二穴

足三里二穴

絕骨二穴

風市二穴

凡覺手足痺或麻或痛良久乃已此將中腑之候宜灸此

諸穴病在左灸右在右灸左

灸風中臟氣塞涎上不語極危者下火立效

百會一穴

風池二穴

大椎一穴

肩井二穴

曲池二穴

間使二穴

足三里二穴

凡覺心中憤亂神氣不怡或手足麻木此中臟之候也不問是風與氣可速灸此七穴五七壯日後再別灸之隨年壯正凡遇春秋二季可時時以此七穴以泄風氣

凡人風發怕痛不肯灸忽然卒死是謂何病曰風入臟故也病者不可不知予自五月間口眼喎斜灸百會等三穴即正右手足麻木無力灸百會髮際等七穴得愈七月氣塞涎止不能語魂魄飛揚如墮江湖中頃刻欲絕灸百會風池等左右頰車二穴氣遂通吐涎半碗又下十餘行伏枕半月遂平復自後凡覺神氣少異于常即灸百會風池等穴無不立效

本范子默記崇寧中凡兩中風始則口眼喎斜次則涎潮閉塞左右共灸十二穴得氣通十二穴者謂聽會頰車地

倉百會有翳曲池風市足三里絕骨髮際大椎風池也依而用之無不効

羅中風鍼法出寶大師氣元歸類

手太陰

列缺偏風半身不遂

天府卒中惡鬼疰不得安卧

手陽明

肩髃

曲池偏風半身不遂

足陽明

大巨偏枯四肢不舉

衝陽偏風口眼喎斜足緩不收

手太陽

腕骨偏枯

足太陽

輔陽風痺不仁四肢不舉

足太陰

照海大風偏枯半身不遂善悲不樂

足少陽

陽陵泉半身不遂

環跳風眩偏風半身不遂

甲非痿臂腕不用唇吻不收合谷主之偏枯四肢不舉善驚大巨主之偏枯不能行太風默然不知所痛視如見星溺黃小腹熱咽乾照海主之偏枯臂腕發痛肘屈

不得伸_手又風頭痛_汗出肩臂頸痛項急煩滿驚五指掣不得屈伸戰惕_骨主之

羅大接經從陽引陰治中風偏枯_{出雲岐子}醫李新說

足太陽膀胱之脉出于至陰小指外側去爪甲如韭葉為井金_呼足少陰腎之脉湧泉起于小指之下斜趨足心

三焦之脉起小指次指之端去爪甲如韭葉為井_呼少陽膽之脉起足竅陰小指次指之端去爪甲如韭葉為井其支者上入大指岐骨內出其端還貫爪甲出三毛中

三呼十足厥陰肝之脉起太敦大指入叢毛之際去爪甲如韭葉及三毛為井_{六呼}手太陰肺之脉起大指之端出于少商大指內側去爪甲如韭葉為井其支者出次

指內廉出其端手陽明大腸之脉起大指次指之端入次指內側去爪甲如韭葉為井_呼中指內交_呼足陽明胃之脉起足大指次指之端去爪甲如韭葉為井其支者入大指出其端_呼足太陰脾之脉起足大指端循指內側去爪甲角如韭葉為井_{隱白是也呼}手少陰心之脉起手小指內出其端循指內廉去爪甲角如韭葉為井

手太陽小腸之脉起手小指之端去爪甲下二分陷中為井

大接經從陰引陽治中風偏枯

手太陰肺之脉起手大指端出于少商大指內側去爪甲角如韭葉為井_{三呼}手陽明大腸之脉起手大指次指之端去爪甲如韭葉為井其支者入大指間出其端_呼足陽明胃之脉起足大指次指之端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端去爪甲如韭葉為井其

支者入大指間出其端 足太陰脾之脉起足大指端循
 指內側去爪甲如韭葉為井隱白也 手少陰心之脉起
 手小指內出其端循指內廉去爪甲如韭葉為井 手太
 陽小腸之脉起手小指之端去爪甲下一分陷中為井
 足太陽膀胱之脉起足小指外側至陰去爪甲如韭葉為
 井金子足少陰腎之脉起足小指之下斜趨足心為井
 泉穴也 手厥陰心包之脈其直者循手中指出其端去
 爪甲如韭葉為井中衝穴也其支者循掌中循小指次指
 出其端 手少陽三焦之脉起手小指次指之端去爪甲
 如韭葉為井 足少陽膽之脉起于竅陰小指次指之端
 去爪甲如韭葉為井其支者上入大指岐骨內出其端還
 貫爪甲出三毛中 足厥陰肝之脉起足大指之端入叢
 毛之際去爪甲如韭葉為井太敦也

大接經皆十二經井穴也此羅謙甫治趙僧判中臍刺十
 二井穴愈治張安撫中臍灸十二井穴愈內經所謂節度
 不移節而刺之是也

難陰躄為病陽緩而陰急陽躄為病陰緩而陽急
 羅云治失音不語由賣大師
氣元歸類

手陽明 天鼎暴瘖井
喉痺 合谷瘖不
能言

手少陰 陰郄瘖不
能言 靈道暴瘖
不語

足陽明 頰車 地倉不語飲食不收水漿漏
落病右治左病左治右 三陽絡暴瘖不
能言

手少陽 支溝暴瘖
不語

手太陽 天窓暴瘖不
能語

足少陰 通谷暴瘖
不語

手厥陰 間使瘖不
能語

玉中風不語不省人事 頂門灸七
壯 百會針入豆許先
補後瀉瀉多

少補

又撮要法 中衝補一分 大敦一分 百會一分

惟穴又法 十指尖出血詳此更 人中三分留三 天

突湧泉各五 神門支溝各三 如舌急不語瘖門

如舌緩不語風府 東陽卒中失音不能言語緩縱不隨天窓刺之一分灸五

十壯息火仍移灸百會五十壯畢復灸天窓五十壯始發

若先灸百會則風氣不得洩內攻五臟喜閉伏仍失音所

以先灸天窓

千治風非不語手足不遂方 度病者男左手女右手小

指內岐間至指端為度以置臍上直望心下以采釜度上

端畢又作兩度續所塗上灸其下開其上取其本度橫置

開上灸三合其狀如▽形復以采釜兩端畢一處同時起

灸灸之各一百壯愈

凡覺中風必先審六經之候慎勿用太熱藥烏附之類

故陽劑剛勝積若燎原為消狂瘡腫之屬則天葵絕而榮

潤矣

羅云中風人初覺不宜服腦麝引風入骨髓如油入麵

不能得出如潮痰盛不省人事煩熱者宜用下痰神効

認云中風如小便不利不可以藥利之既已自汗則津液

外亡小便自少若利之使榮衛枯竭無以制火煩熱愈盛

當候熱退汗至小便自行也

治中風方續命排風越婢等悉能除去而千金多用麻

黃令人不得慮虛以風邪不得汗則不能泄也然此治中

風不汗者為宜若自汗者更用麻黃則津液轉脫反為大

禁忌

開上灸三合其狀如▽形復以采釜兩端畢一處同時起

灸灸之各一百壯愈

凡覺中風必先審六經之候慎勿用太熱藥烏附之類

故陽劑剛勝積若燎原為消狂瘡腫之屬則天葵絕而榮

潤矣

羅云中風人初覺不宜服腦麝引風入骨髓如油入麵

不能得出如潮痰盛不省人事煩熱者宜用下痰神効

認云中風如小便不利不可以藥利之既已自汗則津液

外亡小便自少若利之使榮衛枯竭無以制火煩熱愈盛

害中風自汗伸景雖處以桂枝湯至汗不在發搐口眼瞶動遍身汗出者豈勝對治此時獨活湯續命黃散能復榮衛却風邪不可缺也獨活續命散方見後條

治中風無密室者不可療強人居室不密尚中風邪况服藥之人乎服汗劑必依此法

寒則筋急熱則筋緩因于弛長縮因于短促若受濕則弛弛因于寬而長然寒與濕未嘗不夾熱三者皆因于濕然外濕非內濕無以成之不能成疾致濕之由酒麪為多魚與肉繼以成之若甘滑燒炙香辛硬物皆致濕之因戒之慎之藥中皆繁矣若將理失宜雖聖醫不治也天產作陽氣浮發熱先哲格言但是患痿之人若不能淡薄食味吾知其必不能安全也舟溪斷辨凡人初覺食指次指麻木不仁或不用者三年內必中風之候也宜先服

診

愈風湯天麻九各一兩料此治之先也是以聖人治未病不治已病中風人能食蓋甲已化土脾盛故能多食此脾愈一下克腎水腎水虧則病增宜廣服藥不欲多食病能自愈中風多食風木盛也盛則克脾脾受敵求助于食經曰實則夢與虛則夢取當瀉肝木治風安脾脾安則食少是其發矣

肺脉微緩為痿痺偏風頭已下汗出不可止全文見治法脾脉微緩為風痿四肢不用心慧然若無病同上文風痺之類經云

素胃脉沉鼓瀆胃外鼓大心脉小堅急皆偏枯男子發左女子發右不瘖舌轉可治三十日起其從者瘖三歲起年不滿二十者三歲死大奇論王註云從謂男發左女發右也中風不語者為病在心臟脉反沉者治難見効凡病脉

不應病者危

脈訣內言不治証見則不可治筋枯不活動則筋痛者是謂筋枯以其無血滋潤筋骨也

產後中風

產後中風口眼喎斜必用大補氣血然後治痰當以左右手脈分其氣血多少以治切不可作中風治用小續命湯及發表治風之藥

治產後中風半身手足不遂言語蹇澁恍惚多忘精神不定

獨活 當歸 芍藥 防風

川芎 玄參 天麻各五 桂心錢二

右咬咀以水八升煮取二升半分為三服覺効更作一劑又作丸每服二十九丸如有熱加葛根五錢有冷加白

朮五錢若有氣症加生姜一兩半若手足不遂加牛膝一錢半葶藶三錢黃芪四錢若腹痛加當歸芍藥七錢半若不食加入參五錢玄參一兩若寒中三陰所患必冷小續命湯加姜煎若暑中三陽所患必熱小續命湯去附子減桂心一半加薄荷煎

秦光 羌活 防風 白芷

川芎 芍藥 當歸 白朮

茯苓 熟地各等分

右為末一半蜜丸一半散酒調下五七十九妙

食治產後風虛五緩亦急手足頑痺氣血不調大葶一升炒令熟執投三升酒中密封飲之

小品治產後中風語澁四肢拘急羌活二兩為末每服五

錢水酒各半盞煎去香溫服

右產後中風用續命湯及羌活發散之藥必詳氣血以四物四君子相與各半停對分兩服之可也

口噤中初之初有口噤者故附之

實開法

丹口噤搗鼻用爵金黎蘆為末水調搗之治口噤卒不得語附子杵末內管中吹喉中立安千金翼云吹喉中

經治急中風目瞋牙噤無門下藥者用此末子以中指蘸

朱指大牙左右二三十遍其口自開始得下藥名開關散

天南星搗為末白龍腦二件各等分研五月五日午時脩

治者只一字至半錢効涎盛者吐之

吐痰法

簡治中風口噤涎潮壅塞吐涎方用皂角一挺去皮塗猪

脂炙黃為末每服一錢七非時溫酒服如氣實脈盛調二錢七如牙不開用白梅搗齒口開即灌藥吐出風涎瘥

虛

本治中風不省人事牙關緊急用黎蘆一兩去蘆濃煎風湯洗過焙乾切炒微黃褐色搗末每半錢溫水下以吐涎為効如人行三里許未吐再服

羅分涎散治中風涎潮作聲口噤手足搐搦

藿香 全蝎 白附子 南星 炮各

丹砂 膩粉 粉霜 各二

右為細末每服一錢七至二錢薄奇湯或茶湯調下殊

吐利再服

衍黃芪防風湯薰法方見中深半身不遂門

世治中風口噤不知人事產後中風用白朮四兩水三升

煎一升頓服

大白朮酒治妊娠中風口噤語言不得

白朮 獨活兩 黑荳 炒

右剉以酒三升煮取一升半去渣溫分四服口禁者幹開灌之得汗即愈

于治中風通身冷口禁不知人事用獨活四兩好酒一升煎半升分溫再服

破傷風口禁見破傷風門

針灸

摘中風口禁不開 人中四分 頰車四分得

集又法 人中 頰車一分滌皮 百會一分 承漿二分

灸 合谷一分

東口禁不開唇吻不收瘖不能言 合谷 人中

甲口禁不能言翳風主之

口眼喎斜

凡半身不遂者必口眼喎斜亦有無半身不遂之症而喎斜者故另立附之

木

運氣風 運氣口眼喎斜者多屬胃土風木不及金乘之土寡于畏也經云木不及曰委和委和之紀其動縲矣拘緩又云厥陰所至為縲蓋縲縮短也木不及則金化縮短乘之以勝木之條達也疾者口目喎斜也拘者筋脉拘強也木為金之縮短牽引而喎斜拘強也緩者筋脉縱也木為金乘則土寡于畏故土兼化緩縱于其空隙而拘緩者自緩也故目喎斜者多屬胃土有痰治法宜辛溫瀉釜之短縮平土之濕痰也

垣清陽湯治筋脉縮短牽引口目喎斜各見

益中賊風口偏不能語者取吳茱萸一升清酒一升和煮四五沸合服之半升日三服得少汗瘥

治口喎大豈三升炒令焦好酒三升淋取汁頓服一日一服

治中風面目相引口偏着耳牙車急舌不得轉方

獨活斤

竹瀝

生地汁各一

右三味合煎取二升頓服即愈

胃

治卒中風口喎不正取空青末如荳大一枚含之即愈

口目喎斜之症大率在胃而有筋脉之分經云足之陽

明手之太陽筋急則口目為僻皆急不能卒視此胃土之

筋為喎邪也經云胃足陽明之脉挾口環唇所生病者

口喎唇邪此胃土之脉為喎邪也

恒清陽湯治口喎斜頰腮急喉膈中火盛汗不止而小便

數

升麻二錢

葛根一錢

當歸身二錢

黃芪二錢

甘草錢

紅花一錢

蘇木分五

桂枝一錢

甘草生五

黃柏酒一

蘇木分五

桂枝一錢

右吹咀作三服酒三盞前至一盞三分去渣稍熱食
前服訖以火熨摩緊急處即愈夫口喎筋急者是筋
脉血絡中大寒此藥少代燔針却刺破惡血以去凝
結內泄衝脉之火熾

羅風中血脉治驗○大尉中武史公年六十八歲于至元
十月初待國師於聖安寺丈室中煤炭火一爐在左邊遂
覺面熱左頰微有汗師及左右諸人皆出因左頰踈緩被
風寒客之右頰急口喎于右脉得浮緊按之洪緩予奉醫
學提奉忽君吉甫專科針灸先以左頰上灸地倉穴一七
壯次灸頰車二七壯後于右頰上執羊鬚之訣以升麻湯
加防風秦朮白芷桂枝羌散風寒數服而愈或曰世醫多
以續命等藥治之今君用升麻湯加四味其理安在對曰
足陽明經起于鼻頰中循鼻外入上齒中手陽明之經

亦貫于下齒中兒兩頰皆屬陽明升麻湯乃陽明經藥香
 白芷又行手陽明之經秦艽治口噤防風散風邪桂枝實
 表而固榮衛使邪不能再傷此其理也夫病有標本經絡
 之別藥有氣味厚薄之殊察病之源用藥之宜其效如桴
 鼓之應不明經絡所過不言藥性所至徒執一方不惟無
 益而又害之者多矣幸者宜細思之
 秦艽升麻湯治中風手足陽明經口眼喎斜四肢拘急惡
 風寒

升麻 葛根 甘草炙 芍藥
 人參各半 秦艽 白芷 防風
 桂枝各三
 右吹咀每服一兩水二盞連鬚葱根白三莖煎至一盞
 去查稍熱服食後服藥畢避風寒臥得微汗出則止

冊婁舍人口眼喎斜先自右邊牙疼

防風分五 南星錢一 桂枝分三 半夏分五
 蒼朮分五 甘草分二 白朮半錢 茯苓分三

右煎後入姜汁一合服

本治風客陽經邪傷腠理背脊強直口眼喎斜體熱惡寒
 痰厥頭痛肉攣筋惕辛頰鼻淵及飲酒過多嘔吐涎沫頭
 痛眩暈如坐車船常服解風邪傷寒辟霧露瘴氣爽慧神
 志諸風不生定風餅子

天麻 川烏 南星 半夏
 川姜 川芎 白茯苓 甘草生各等分
 右為細末姜汁為丸如龍眼大作餅子硃砂為衣每服
 一餅細嚼熱姜湯下不拘候熙豐間王丞相常服預防
 風疾神驗

千枳茹酒主口僻眼急大驗諸藥不瘥方枳實上青括取未欲至心止得茹五升微火炒去濕氣以酒一斗漬微火煖令得藥味隨性飲之

子和東杞一夫患口目喎斜其兩手急數如弦之張有力而實其人壯氣充風火交勝與調胃承氣湯六兩以水四升煎作三升分作四服令稍熱啜之前後約瀉四五十行去一兩次以苦劑投之解毒數服以升降水火不苟而愈

法筋病

內經治口眼喎斜多屬足陽明筋病蓋足陽明筋結頰上得寒則急得熱則弛左寒右熱則左頰筋急牽引右之弛者而右隨急牽引喎向左也右寒左熱則右頰筋急牽引左之弛者而左隨急牽引喎向右也故其治法以火灸且為之膏油熨其急者以白酒調和桂末塗其弛者又以桑

為鈎鈎其口吻之喎僻處使正平而高下相等復以水調生桑灰于鈎柄之坎縫處連頰塗之以收其弛兼飲姜酒味美肉使筋脈氣和以助外之塗熨不飲酒者自強其筋骨以手拊拍其急處使症自去也

千又方

牡蠣

附子

礬石

竈下黃土

右四味各等分為末取三年雄鷄冠血和藥傳其上持鏡看候欲復故便急洗去之不速去便過不復還也

右備右塗左塗

又方酒者桂取汁一升以故布浸搗病上則正左喎斜搗右右喎斜搗左此秘方不傳余常用大效此方即內經用又方大皂莢一兩去皮子搗篩以三年石灰末水和左喎塗右右喎塗左乾又塗之

取硬石灰一合以醋炒和如泥于患漏風牽口嚼斜人

口唇上不患處一邊塗之立便牽正

孫卒患漏風口喎語隘取衣中白魚鱗耳下喎向左摩右

向石摩左即正即盡書

聖治中風口喎用巴荳七枚去皮爛研喎左塗右手心喎

右塗左手心仍以暖水一盞安向手心須臾即便正洗去

藥并頻抽掣中指

針灸

子和一長吏病口目喎斜子瘞之目之斜灸以承泣口之

喎灸以地倉俱効苟不効者當灸入迎夫氣虛風入而為

偏上不得出下不得泄真氣為氣邪所隔故宜灸所以立

愈按此乃肺熱喎斜故灸之愈若筋急喎斜非灸可愈必

承泣地倉入迎皆足

陽明胃脈之所發也

口眼喎斜 地倉 針入二分沿皮斜向頰 頰車 二分

針灸

地倉已上三次喎右

補瀉左關左補十行

甲乙口僻顙窮及斷交下關主之 面目惡風寒頰腫靡

痛招搖視瞻廢痰口僻巨竅主之 口不能水漿喎僻水

溝主之 厥口僻失欠下牙痛頰腫惡寒口不能收舌不

能言不能嚙大迎主之 口僻偏歷主之 口僻刺大淵

引而下之 口僻噤外關主之 僻不正失欠口不開翳

風主之

干又方以葦筒長五寸以二頭刺耳孔中四畔以麩塞密

勿令泄氣下頭納大荳一顆并艾燒令熟灸七壯即瘥患

右灸左患左灸右手金不傳耳病亦可灸之

瘥

凡中風多有痒甚不收者故編此附之于後與前中風方

相兼用之可也

氣虛

冊經曰諸痒為虛血不榮肌膚所以癢也當以滋補藥以養陰血和肌潤痒自不作矣治身上虛癢四物加黃芩煎湯調浮萍末服之治諸痒如虫行此虛也先與大料四物湯服之鹽一斗水一石煎減半溫浴二次能治一切風痒要諸痒凌霄花末酒下二錢此花補陰血甚速本草云凌霄香治熱風身痒遊風風疹疥血蒼耳葉同用也陶安人身體肥壯久患癢痒自投風藥漸成虛症身上麻木無力口苦乾小便數

- 白朮錢二 陳皮 芍藥 黃芩兩一
- 茯苓錢七 歸身 黃芪 人參
- 川芎 青皮 蒼朮 木通錢五
- 黃柏炒酒 五味子 甘草錢二
- 每服下黃精丸三十九丸

靈虛邪搏於皮膚之間其氣外發腠理開毫毛搖氣往來行則為痒刺節真邪篇

冊何首烏散治渾身風寒濕痒

- 何首烏炒 天麻 枸杞 生地
- 熟地各一兩 防風 川芎 薄荷
- 訶子 甘草各半兩

右為末每服二三錢溫酒空心服溫茶亦得

集治風氣客皮膚癢痒不巳蟬蛻薄荷末等分為末酒調一錢七曰三服又方治風氣客于皮膚癢痒不巳蜂房炙過蟬蛻等分為末酒調一錢七曰二三服

局消風散治皮膚頑麻癢疹癢痒

- 茯苓 川芎 羌活 人參
- 荆芥穗 防風 藿香 蟬蛻

白姜蚕少去甘草少各厚朴 陳皮各半

右為末每服二錢茶酒調下

經治風癩痒不止枳壳三兩麩炒微黃去穢為末每服二錢非時水一盞煎至六分去香服

聖治婦人癢疹身痒不止用蒼耳花葉子等分搗羅為末豆淋酒調服一錢匕

冊治一切痒食羊蹄根不宜多

河痒得爬而解者爬為火化微則亦能痒甚則痒去者謂

令皮膚辛辣而屬金化辛能散火故金化見則火化解矣

聖治風瘙癢疹偏身痒成瘡者用蚕沙一升水二斗煮取一斗二升去香執洗宜避風

羅澡洗藥治一切諸風及偏身瘙痒光澤皮膚

乾荷葉二十兩葳灵仙兩十五藁本一零陵香斤一

熱

雜方

診

芽香兩一甘松 白芷各半

右為粗末每用二兩生絹袋盛水二桶約四斗煎五沸放熱於無風處淋澡洗之避風少時如冰少時便添熱湯斟酌得所勿添冷水不添藥末浴痒無如鹽濃煎湯最妙

仰寸口脉遲而緩遲則為寒緩則為虛榮緩則為亡血衛緩則為中風邪氣中經則身痒而癢疹心氣不足邪氣入中則胸滿而短氣脉緩而大浮為風虛大為氣強風氣相搏大成癢疹身為痒痒者名泄風又為癩癩

3070

詩

醫學綱目卷之十終



醫學綱目卷之十

十一



